

রেজিস্টার্ড নং ডি এ-১



বাংলাদেশ

গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

মঙ্গলবার, আগস্ট ২৩, ২০০৫

গণপ্রজাতন্ত্রী বাংলাদেশ সরকার
সংস্থাপন মন্ত্রণালয়

প্রজ্ঞাপন

তারিখ, ০৬ ভাদ্র ১৪১২বাং/ ২১ আগস্ট ২০০৫ইং

এস. আর. ও নং ২৬৪-আইন/২০০৫/সম(বিধি-১)এস-৯/২০০০(অংশ-১)।—গণপ্রজাতন্ত্রী বাংলাদেশের সংবিধানের অনুচ্ছেদ ১৩৩ এর শর্তাংশে প্রদত্ত ক্ষমতাবলে রাষ্ট্রপতি, উক্ত সংবিধানের অনুচ্ছেদ ১৪০(২) এর বিধান মোতাবেক বাংলাদেশ সরকারী কর্ম কমিশনের সহিত পরামর্শক্রমে, নিম্নরূপ বিধিমালা প্রণয়ন করিলেন, যথাঃ—

১। সংক্ষিপ্ত শিরোনাম।—এই বিধিমালা স্বাস্থ্য ও পরিবার কল্যাণ মন্ত্রণালয়ের আওতাধীন এই বিধিমালার ২(ক) উপ-বিধিতে বর্ণিত যে কোন উন্নয়ন প্রকল্প হইতে রাজস্ব বাজেটে সৃজনকৃত কারিগরি পদের পদধারীদের নিয়োগ/নিয়মিতকরণ ও জ্যেষ্ঠতা নির্ধারণ (বিশেষ বিধান) বিধিমালা, ২০০৫ নামে অভিহিত হইবে।

২। সংজ্ঞা।—বিষয় কিংবা প্রসঙ্গের পরিপন্থী কোন কিছু না থাকিলে, এই বিধিমালায়—

(ক) "উন্নয়ন প্রকল্প" অর্থ ১৯৯৭ সালের ১লা জুলাই হইতে ২০০৪ সালের ৩১শে ডিসেম্বর তারিখ পর্যন্ত সময়ের মধ্যে শুরু হওয়া সরকার অনুমোদিত স্বাস্থ্য ও পরিবার কল্যাণ মন্ত্রণালয়ের উন্নয়ন বাজেটভুক্ত নিম্নবর্ণিত প্রকল্পসমূহ যথাঃ—

- (১) জাতীয় অ্যাজমা সেন্টার ;
- (২) অলটারনোটিভ মেডিকেল কেয়ার ;
- (৩) নোয়াখালী জেলার চর আলগী ২০ শয্যাবিশিষ্ট হাসপাতাল স্থাপন ;
- (৪) ফাইলেরিয়াসিস নির্মূল কর্মসূচী প্রকল্প ;

(খ) "উন্নয়ন প্রকল্পের চাকুরীকাল" অর্থ ২(ক) উপ-বিধিতে বর্ণিত উন্নয়ন প্রকল্পে যোগদানের তারিখ হইতে উক্ত প্রকল্প সমাপ্তির তারিখ পর্যন্ত চাকুরীকাল ;

(৮০৫৭)

মূল্যঃ টাকা ৪.০০

- (গ) “উন্নয়ন প্রকল্পের কর্মচারী” অর্থ ২(ক) উপ-বিধিতে উল্লিখিত কোন উন্নয়ন প্রকল্পের কারিগরি পদে নিযুক্ত কর্মকর্তা বা কর্মচারী ;
- (ঘ) “কর্তৃপক্ষ” অর্থ রাজস্ব বাজেটের সংশ্লিষ্ট পদের নিয়োগকারী কর্তৃপক্ষ ;
- (ঙ) “কমিশন” অর্থ বাংলাদেশ সরকারী কর্ম কমিশন ;
- (চ) “কারিগরি পদ” অর্থ এই বিধিমালার তফসিল “ক” এ উল্লিখিত প্রকল্পসমূহের বিপরীতে বর্ণিত পদ ;
- (ছ) “নিয়মিতকরণ” অর্থ রাজস্ব বাজেটের কারিগরি পদে সাময়িকভাবে পদস্থ যে কোন প্রকল্পের কারিগরি কর্মকর্তা বা কর্মচারীকে উক্ত পদে কমিশন বা ক্ষেত্রমতে উপযুক্ত কর্তৃপক্ষের সুপারিশক্রমে নিয়োগকারী কর্তৃপক্ষ কর্তৃক নিয়মিতকরণ ;
- (জ) “রাজস্ব বাজেটের পদ” অর্থ ২(ক) উপ-বিধিতে উল্লিখিত উন্নয়ন প্রকল্পের কারিগরি পদ যাহা রাজস্ব বাজেটে স্থানান্তরিত বা নতুনভাবে সৃজিত হইয়াছে বা হইবে ;
- (ঝ) “সাময়িকভাবে পদস্থ” অর্থ উন্নয়ন বাজেট হইতে রাজস্ব বাজেটে স্থানান্তরিত/সৃষ্টি পদে সম্পূর্ণ অস্থায়ীভিত্তিতে নিয়োগপ্রাপ্ত ;
- (ঞ) “তফসিল” অর্থ এই বিধিমালার সহিত সংযোজিত তফসিল ।

৩। বিধিমালার প্রাধান্য।—আপাততঃ বলবৎ অন্য কোন বিধিমালা, আদেশ বা নির্দেশ যাহা কিছুই থাকুক না কেন, উন্নয়ন প্রকল্পের কর্মকর্তা ও কর্মচারীদের ক্ষেত্রে এই বিধিমালার বিধানাবলী কার্যকর হইবে।

৪। রাজস্ব বাজেটে নিয়মিতকরণ পদ্ধতি।—(১) উন্নয়ন প্রকল্পের কোন কর্মকর্তা ও কর্মচারীকে নিম্নবর্ণিত শর্তে নিয়মিতকরণ করা যাইবে, যথাঃ—

- (ক) এই বিধিমালার তফসিল “ক” এ বর্ণিত প্রকল্পসমূহের রাজস্ব বাজেটে স্থানান্তরিত/সৃজনকৃত কেবলমাত্র কারিগরি পদে কর্মরত কর্মকর্তা বা কর্মচারী সংশ্লিষ্ট প্রকল্পে নিয়োগ, নিয়োগকালীন সময়ে সরকারের প্রচলিত নিয়োগবিধি বা নিয়োগ পদ্ধতি বা সংশ্লিষ্ট প্রকল্পের জন্য সরকার কর্তৃক অনুমোদিত নিয়োগবিধি অনুসরণ হইয়া থাকিলে তাহাকে উক্ত পদে নিয়মিতকরণ করা যাইবে ;
- (খ) উক্ত কর্মকর্তা বা কর্মচারীর রাজস্ব বাজেটের পদে নিয়মিতকরণের পূর্বের চাকুরী সন্তোষজনক হইতে হইবে।

(২) রাজস্ব বাজেটের পদে সাময়িকভাবে পদস্থ কোন কর্মকর্তা বা কর্মচারী অবসর প্রস্তুতকালীন ছুটি ভোগরত থাকিলে অথবা অবসর গ্রহণের বয়স উত্তীর্ণ হইলে অথবা মৃত্যুবরণ করিলে তাহাকে ভূতাপেক্ষভাবে ক্ষেত্রমত, অবসর প্রস্তুতকালীন ছুটি বা বয়স উত্তীর্ণ বা মৃত্যুবরণের তারিখের পূর্ব তারিখে কার্যকরতা প্রদান করিয়া নিয়মিত করা যাইবে :

তবে শর্ত থাকে যে, এইরূপ ক্ষেত্রে সংশ্লিষ্ট ব্যক্তি ছুটিতে যাইবার বা বয়স উত্তীর্ণ হইবার বা মৃত্যুবরণের পূর্বের চাকুরী সন্তোষজনক হইতে হইবে।

(৩) কর্ম কমিশনের আওতাভুক্ত কোন পদে কমিশনের সুপারিশক্রমে এবং কমিশনের আওতা বহির্ভূত কোন পদে বিভাগীয় পদোন্নতি বা বাছাই কমিটির সুপারিশক্রমে নিয়মিত করিতে হইবে।

৫। জ্যেষ্ঠতা নির্ধারণ।—(১) এই বিধিমালার অধীন নিয়মিতকৃত কোন কর্মকর্তা বা কর্মচারীর জ্যেষ্ঠতা নির্ধারণের ক্ষেত্রে তাহার চাকুরী নিয়মিতকরণের তারিখ হইতে গণনা করা হইবে।

(২) কোন উন্নয়ন প্রকল্পে একই তারিখে নিয়োগপ্রাপ্ত একাধিক কর্মকর্তা বা কর্মচারীর জ্যেষ্ঠতা নিম্নরূপে নির্ধারিত হইবে, যথাঃ—

(ক) উন্নয়ন প্রকল্পে নিয়োগের সময় সংশ্লিষ্ট কর্তৃপক্ষ কর্তৃক প্রস্তুতকৃত মেধা তালিকা বা প্রদত্ত নম্বরের গ্রেডিং, যদি থাকে, এর ভিত্তিতে ;

(খ) দফা (ক) এ উল্লিখিত তালিকা বা প্রদত্ত নম্বরের গ্রেডিং না থাকিলে সেইক্ষেত্রে ন্যূনতম শিক্ষাগত যোগ্যতা অর্জনের বৎসরের ভিত্তিতে এবং উক্ত বৎসর একই বৎসর হইলে সেইক্ষেত্রে বয়সের ভিত্তিতে।

(৩) কোন উন্নয়ন প্রকল্পে পূর্বে নিয়োগপ্রাপ্ত কোন কর্মকর্তা বা কর্মচারী প্রয়োজনীয় কাগজপত্রের অভাবে, পদাধিকারীর জটিল কারণে নয়, একই পদে পরে নিয়োগপ্রাপ্ত কর্মকর্তা বা কর্মচারীর পূর্বে বা একই সঙ্গে নিয়মিত না হইয়া পরবর্তী সময়ে নিয়মিত হইলে সেইক্ষেত্রে পরে নিয়মিত হওয়া সত্ত্বেও পূর্বে নিয়মিতকৃত কর্মকর্তা বা কর্মচারীর উপর তাহার জ্যেষ্ঠতা নির্ধারিত হইবে।

(৪) একাধিক উন্নয়ন প্রকল্প হইতে একই পদে দুই বা ততোধিক কর্মকর্তা বা কর্মচারীকে নিয়মিত করা হইলে সেইক্ষেত্রে উন্নয়ন প্রকল্পের যোগদানের তারিখের ভিত্তিতে জ্যেষ্ঠতা নির্ধারিত হইবে।

(৫) একাধিক উন্নয়ন প্রকল্প হইতে একই পদে দুই বা ততোধিক কর্মকর্তা বা কর্মচারীকে নিয়মিত করা হইলে এবং তাহাদের যোগদানের তারিখ একই হইলে সেইক্ষেত্রে বয়ঃজ্যেষ্ঠতার ভিত্তিতে জ্যেষ্ঠতা নির্ধারিত হইবে।

(৬) নিয়মিতভাবে নিয়োগপ্রাপ্ত কর্মকর্তা বা কর্মচারীর নিয়োগের তারিখ এবং নিয়মিতকৃত কর্মকর্তা বা কর্মচারীর নিয়মিতকরণের তারিখ একই হইলে সেইক্ষেত্রে নিয়মিতভাবে নিয়োগপ্রাপ্ত কর্মকর্তা বা কর্মচারীগণ নিয়মিতকৃত কর্মকর্তা বা কর্মচারীগণের উপর জ্যেষ্ঠতা পাইবেন।

৬। উন্নয়ন প্রকল্পের চাকুরীকাল গণনা।—নিয়মিতকৃত কোন কর্মকর্তা বা কর্মচারীর উন্নয়ন প্রকল্পে চাকুরীকাল তাহার বেতন, ছুটি, পেনশন ও আনুষংগিক সুবিধাদি নির্ধারণের ক্ষেত্রে গণনা করা হইবে।

৭। অসুবিধা দূরীকরণ।—এই বিধিমালা কার্যকর করণের ক্ষেত্রে কোন অসুবিধা দেখা দিলে উক্ত অসুবিধা দূরীকরণার্থে সরকার, এই বিধিমালার সহিত যতদূর সম্ভব সংগতি রক্ষা করিয়া, আদেশ দ্বারা, প্রয়োজনীয় ব্যবস্থা গ্রহণ করিতে পারিবে।

রাষ্ট্রপতির আদেশক্রমে

এ এস এম আব্দুল হালিম

সচিব।

স্বাস্থ্য ও পরিবার কল্যাণ মন্ত্রণালয়
প্রকল্প ও কারিগরি পদসমূহের বিবরণ

তফসিল-'ক'

ক্রমিক নং	প্রকল্পের নাম (মেয়াদকাল)	প্রকল্প শুরু তারিখ	কারিগরি পদ	পদ সংখ্যা	যৌক্তিকতা
১.	এ্যাজমা সেন্টার ১৯৯৭-১৯৯৮ ২০০৫-২০০৬	২৮-০৪-১৯৯৮	অধ্যাপক (চেষ্ট মেডিসিন) সহযোগী অধ্যাপক (চেষ্ট মেডিসিন)	১ ১	পদসমূহ স্বাস্থ্য সেবার ক্ষেত্রে বিশেষায়িত ধরনের পদ। স্বাস্থ্য সেবার ক্ষেত্রে ব্যতিত অন্য কোন ক্ষেত্রে উল্লেখিত পদসমূহ নেই।
			সহযোগী অধ্যাপক (ফিজিক্যাল মেডিসিন)	১	
			সহকারী অধ্যাপক (চেষ্ট মেডিসিন)	৩	
			সহকারী অধ্যাপক (পেডিয়াট্রিস)	১	
			সহকারী অধ্যাপক (এ্যানেসথেসিওলজি)	১	
			জুনিয়র কনসালটেন্ট (চেষ্ট)	২	
			রেজিষ্টার মেডিসিন	২	
			ইমার্জেন্সী মেডিক্যাল অফিসার	৪	
			মেডিক্যাল অফিসার (অস্তঃ বিভাগ-৪) ও (বহিঃ বিভাগ-৪)	৮	
			প্যাথলজিস্ট (এম, ও)	৩	
			এ্যানেসথেটিস্ট (এম, ও)	৪	
			বায়োকেমিস্ট	১	
			নার্সিং সুপারভাইজার	৪	
			সিনিয়র স্টাফ নার্স	২০	
			মেডিকেল টেকনোলজিস্ট	১০	

ক্রমিক নং	প্রকল্পের নাম (মেয়াদকাল)	প্রকল্প শুরু তারিখ	কারিগরী পদ	পদ সংখ্যা	যৌক্তিকতা
			ডার্করুম সহকারী	২	এই দুটি পদ হাসপাতালের ক্ষেত্রে দক্ষতাসম্পন্ন বিশেষ ধরণের দায়িত্ব পালনকারী পদ।
			জেনারেটর	১	এই দুটি পদ হাসপাতালের ক্ষেত্রে
			অপারেটর/ইলেকট্রিশিয়ান	১	দক্ষতা সম্পন্ন বিশেষ ধরণের দায়িত্ব পালনকারী পদ।
			প্রাথমিক মিস্ত্রি	১	দক্ষতা সম্পন্ন বিশেষ ধরণের দায়িত্ব পালনকারী পদ।

মোট = ৭০

১.	অন্টারনেটিভ মেডিকেল কেয়ার ১৯৯৮- ১৯৯৯, ২০০৫- ২০০৬	জুলাই-১৯৯৮	মেডিকেল অফিসার (ইউনানী) মেডিকেল অফিসার (আয়ুর্বেদিক) মেডিকেল অফিসার (হোমিওপ্যাথিক) সাপোর্ট পার্সোনাল (কম্পাউন্ডার) গার্ডেনার	১৫ ১৫ ১৫ ৬৪ ৪৬৭	পদসমূহ স্বাস্থ্য সেবার ক্ষেত্রে বিশেষায়িত ধরণের পদ। স্বাস্থ্য সেবার ক্ষেত্র ব্যতীত অন্য কোন ক্ষেত্রে উল্লেখিত পদসমূহ নেই। ভেবজ উদ্ভিদ চাষ ও বাগান করার ক্ষেত্রে এই পদটি একটি বিশেষ ধরণের দায়িত্ব পালনকারী পদ।
----	---	------------	--	-----------------------------	--

মোট = ৫৭৬

ক্রমিক নং	প্রকল্পের নাম (মেয়াদকাল)	প্রকল্প শুরু তারিখ	কারিগরি পদ	পদ সংখ্যা	যৌক্তিকতা
১.	চর আলগী (নোয়াখালী) ২০ শয্যাবিশিষ্ট হাসপাতাল স্থাপন প্রকল্প ১৯৯৯-২০০০ ৩১-১২-২০০৩	১ জুলাই ১৯৯৯	আবাসিক মেডিকেল অফিসার মেডিকেল অফিসার	১ ৪	পদসমূহ স্বাস্থ্য সেবার ক্ষেত্রে বিশেষায়িত ধরনের পদ। স্বাস্থ্য সেবার ক্ষেত্রে ব্যতীত অন্য কোন ক্ষেত্রে উল্লিখিত পদসমূহ নেই।
			সিনিয়র স্টাফ নার্স	৪	
			ফার্মাসিস্ট	২	
			আয়া/ওয়ার্ডবয়	৪	
			কুক মশালচী	২	
			ল্যাবরেটরী টেকনেশিয়ান	২	
			ল্যাবরেটরী এটেনডেন্ট	১	
			মোট =	২০	
১.	ফাইলেরিয়াসিস নির্মূল কর্মসূচী ২০০১-২০১৫	২০০১-২০০২	মাঠ পরিদর্শক	১	ফাইলেরিয়াসিস রোগ নিরূপণে বিশেষ দক্ষতা সমৃদ্ধ পদ।
			মোট =	১	

মোঃ নূর-নবী (উপ-সচিব), উপ-নিয়ন্ত্রক, বাংলাদেশ সরকারী মুদ্রণালয়, ঢাকা কর্তৃক মুদ্রিত।

মোঃ আমিন জুবেরী আলম, উপ-নিয়ন্ত্রক, বাংলাদেশ ফরম ও প্রকাশনা অফিস,
তেজগাঁও, ঢাকা কর্তৃক প্রকাশিত।